

留计东归赠言 （明）毕自寅 辑

●目录

小引

四言古

五言古

七言古

五言律

七言律

五言排律

七言排律

七言绝句

●留计东归赠言 小引

化自幼学易而有感于易之所称龙德也乐则行之忧则违之确乎其不可拔乃
□君子当我道消长□□□□失厥所怀□君子□□□□几微□刚柔应之
□□□□万夫之望夫松栢□□□□争而冰枯雪老自足领袖阳和骅骝不与豺虎争
方其磨牙吮血之时惟有却走深林耳君子之进退亦若是而已虽然此其间有成局于
胸中性以植之学以淬之非取办于咄嗟之意气也犹忆我师司李云间年方少刚毅之
气凛不可犯所供三渊水千□莼耳□不言而饮人以和□如披春风莫不意消历试中
外朝野之望愈隆留都重地正人君子方藉以依归乃痛逆党之毒焰不忍坐视一旦拂
衣而归高卧东山是时识者莫不咨嗟叹息祖帐劳劳骊歌载道王大冢宰怙云有云急
流自昔臣邻重姱节重烦御墨题盖实录也时奉有以昭姱节之旨故云迄今诵诸篇什
恍覩我师清风劲节真如千仞之辉畴能揽而下之人但知□果不食见今日之天心然
非志不渝命又恶能含章以默回造化耶我师生平不喜危言激论皦皦一时朴诚应物
一似洛下司马或出或处如刀圭之真可起痿菽粟之果能疗饥至大节所在屹然山立
直令羣小胆落方车骑之出石头城儿童父老争叹黑头公何遽便旋乃化自去冬来京
我师以环召拜大司农晋宫保数得入室请益虽风神精采不减留都第蒿目时艰苦心
康济顿令新旧二饷在在圆满每一觐而髯为之一枯古称老成谋国退亦忧进亦忧不
虚耳化适承乏八闽学政拜辞函丈谨附数言于卷端以识仰止云崇祯一年岁在屠维
大荒落月在始洗之吉赐进士出身钦差福建等处提督学政按察司副使华亭门人何
万化顿首拜撰

●留计东归赠言 四言古

弟吴桥令毕自寅汇辑

男官生际壮

官生际有较正

惟岳美毕公也公以南大司徒请告

○惟岳美毕公也公以南大司徒请告

属吏江夏刘民悦

诏嘉答马君仁臣良赋惟岳

惟岳岱宗其云熊熊触石肤雨寰瀛是同维贤式鍾为卿为公为国栋隆洵我毕公

惟公忝德绳其祖武补 帝袞黼正色率口凡百有士循循其组惟獲惟渠以誉以

处

惟东有奴江于海濬 帝命督抚鞠旅津门乃武乃文其旗焯焯饷我三军士饱马

腾

帝念南都乃命司徒毖我国储根本斯爽 斗亿万仰哺自南自北载将载输何天

之衢

公拮据只民汔紓只爰乞休只 帝曰俞哉尔绩载嘉尔节载姤俄我耆耄令闻斯

泌彼溜水其流涓涓有园有丘烈游可漫有琴可弹有书可翫貽尔子孙式谷以燕

帝有温旨公归自济母遄其驱苍生望只令名斯完嘉宾燕喜公拜稽首 天子万

祺

惟岳七章章八句

●留计东归赠言 五言古

弟吴桥令毕自寅汇辑

男官生际壮

官生际有较正

赠大司农毕老公祖五言古一章

奉赠白翁老先生荣归一首兼求教正

○赠大司农毕老公祖五言古一章

徐宪卿

曾曰唯

韩位甫

古娄徐宪卿

青域毕夫子矫矫负灵植清毓萌水源秀挺黉山色初司云间理继拜爽鸠职平反
照覆盆凜冽剪荆棘秦晋多奇竖同卿膺内秩经济固难量心计尤超轶再帅东诸侯海
外渡玉粒关宁挟口温东江亦足食六师欢未央距曲跃唱拍到处能不朽秦松与汉栢
八座领留计休休类无识目击庾藏空三疏抒忠赤劳薪愤懣深谢客饵芝术参冲旦晚
间弃掷如遗迹竹溪六逸堂可霍忧时疾大清小清流聊以资嗽石奠折补缺手岂容拥
云息蓝壁竟夕辉终为良工得

属吏光山曾曰唯

锦衣当昼游冥鸿羨元老名哲澄灵襟保身机独早纶綍稠迭颁宁比归来好钓竿
风雨收惊涛一线扫东鲁山色秣可以狎绮皓束公扶天手林泉属幽讨美哉喉舌司荣
旋亦奇造

属下充壹韩位甫

四序有代谢嚆敢居成功岂不恋明主退休微尚冲所以洛师又硕肤念明农臣某
拜稽首还笏归山东优诏特嘉答廉顽激頽风五亩花竹秀一溪荷芰溶菽麦足饘粥诗
书当笙镛庞老思□安柳下不易公日饮神泉水时寻鹿皮翁邑子实肮脏晚岁纔登龙
未进圯桥履敢叩丰山踵他年登日观抠衣访鸿蒙

○奉赠白翁老先生荣归一首兼求教正

朱知璫

毕生辉

通家乡晚生朱知璫

祥麟出海隅瑞霭腾员峤威鳳鸣高岗文彩炳二曜君子有徽猷德音翔清庙忆公
起海东巍科发前导一再綰兵符声名走遐陬劲气肃澜安仁风解悬倒剑锋匣青鳞旆
影收赤鷁至今东北乡伟伐仰洪造 圣人旌神略司农得内诏远饷无逸期杂转随所
调古来萧刘后微公孰能肖□虽为国白神采弥英邵岂谓泉石心急流遂高蹈璫也守
桂藁顾盼激清照珠玉数千言感载入怀抱 意志所私敢曰瑶华报翘首谢东山出为
天下効

宗侄生辉

元凯表虞廷邈矣今谁嗣吾宗司徒家八士相辉贲叔夏对公交车南宫望标帜季
騶屏关门奴虏靖烽燧烨烨表文昌仲忽跻三事惟 帝急留储钦尔抒勤瘁四十八卫
中如饥方得孳何哉虞满盈忽遂思休致曳履星非遥归舟风已驶眇余忝阿咸又复竿
曹吏所嗟旬月间后先违交臂葛藟纷相纠樾荫留余庇俨从绳墨中犹想轮人意虽忻
家有仪宁忍 朝无贰以兹稷契俦可并巢繇寘亟矣拂茵旃 内召行将至

●留计东归赠言 七言古

弟吴桥令毕自寅汇辑

男官生际壮

官生际有较正

江上老渔行为赠大司农白阳毕老年丈请告荣归

奉送大司徒白翁毕老师予告暂归七言古一首

咏石隐园诗

○江上老渔行为赠大司农白阳毕老年丈请告荣归

张鹤鸣

方一元

杨鎔

周士登

曹可明

蔡三复

年弟颖上张鹤鸣

披香青虺三千丈裂云掣雷飞天上邳城花艳女儿多白樱桃尽奈若何巢燕喃喃
出吴宫栢梁午夜金盘红老渔江上钓江春拨刺呀呷双锦鳞换得江邨酒一盆掉入烟
波不见人

南和方一元

神皇昔日嘉耆旧半若齐贤貽厥后一时丰草与长林石以枕兮流以漱悠哉枕漱
亦主恩九阍曷报咸思扣鼎湖遗诏勤访落及出东山何所作白阳先生名世俦岱
宗珊珊灵气托清任和兼到大卿苦心不是博功名司农丰镐便吏隐署前山蒨复江
清犹嫌未若泰山下七十二泉泉上耕忠勤久荷今皇鉴岂有功成令缺陷朝拜乞骸
夕拜归谁谓先生易拂衣今皇皇善法神皇意体大臣宜贵得微圣世留余藉元老
莫作寻常视钓矶白驹空谷弗草草已卜东山出迟早吁嗟乎二疏之行重千古立朝少
见存遗吐先生行矣有留者中外纪勋犹可数留计疏草特一斑欲识先生考其语

年家属吏锦城杨鎔

时当海内诎兵食特拜司农为周急伟哉我公膺厚恩曳履南来殫心力根本重
地回空虚能易嗷嗷为啧啧无人无我似浮云足食足兵真报国公家吏部旧有名会
计度支先率职伍誉力崇倚眷殷疏议宏才兼胆识胡为瑞凤千仞翔欲作大鹏六月息
力请天庭乞赐闲百寮需赖何凭式予也小子更依依与公爱弟况同籍趋送匪徒
堂属情相期端见栋梁植白门祖饯盛衣冠绿野游娱暂文墨帝心简在卜金瓯元老
终为圣君翼

属吏毘陵周士登

周家侈诵毕公烈海岱毕公尤卓越武库蟠胸六字雄文章经世中原绝持平法署
稟萧规治狱无冠定国埒仁恕公明兼擅之长才洁守谁颀颀参藩晋秩表羣寮八面威
名何凜冽韩范奇猷星斗寒匈奴罗拜胆皆裂金城方略动枫宸借筋瀛津主眷切百万
军储待转输叩阁费尽几心血肠金赐爵酬肤功握计周详刘宴策半壁东南倚借殷功
成身退不烦决洛社香山何陶陶放食高歌随迭迭不覩商山黄绮公于今千载仰高节
圣明羽翼应思公震履旋者曳帝阙

属吏勾曲曹可明

方今留计计不支司农仰屋虞焚丝谁提空乳乳羣儿我公至止独云否炊妇有无
谁分咎有米而炊何需其怒然持筹问仓困批奸直欲批狂狷肯使左右凭丛神水滴石
穿嗟自昔凜凜奉行惟三尺自兹泉府多裒益裒益万方难具陈试观道路无脱巾水输

陆挽已駢駢昔何以饥今饱伍昔何以逋今红腐漏下衡书良独苦惟予羣隶承下风一见甫惊黑头公未几华发已鬢鬢固知尽瘁惟公独公不岩廊不枢轴谁实褫休谁造福方期驿召自 天来公独揽镜惊霜皤此种种者胡为哉曰予拮据已极矣胡不闻之贵知止我其陈词告天子 天子重睠股肱贤东南半壁惟尔肩尔姑息肩宜淄川淄川实非考盘室庖刀善藏方善出雒社暂尔栖君实一朝纶旨飞丹枫飘飘归与逐征鸿轻装夕指般阳东装无长物图书在郁林片石犹云碍贤哉大夫众所喙盖闻江湖心庙廊矧今时事多抢攘谁云泉石可尚羊都门供帐盈江浒共歌九罇为公祖愿公信宿膺华黼属下古沔蔡三复

大海茫茫吞淮济浸地稽天渺无际岱宗峩峩表八殛笃生我公真名世津门治饷关治兵筹军储国多血诚但闻壁垒一时变狡奴不敢驱长旌御史执法百寮率矫矫人中推屈轶神羊触邪邪屏藏簪笔生风霜凜栗东南倚命惟司徒心计犹称鼂大夫言念财货称泉府泉流出入宜均输旧额逋借外者竭积蠹耗蚀内者渫楚赋之波逝不还旁窵新增堤亦穴一一裁量奏 帝闻 帝意从之若靡遑直令衰薊色渐起又复三殿亟输将正尔 明廷勤借箸公忽抽簪赋归去去矣当如苍生何道路惊传胡太遽惭予弩钝蒙驱拂辱比参苓成药物顾今感激岂私恩所为 庙廊思黼黻江湖 庙廊故相关鸿飞遵渚公其还天为保厘属元老太傅岂得淹东山吁嗟乎太傅岂得淹东山

○奉送大司徒白翁毕老师 予告暂归七言古一首

门生云间于燕芳

龙江雪霁新蜍垂倾都祖饯问送谁行路曰嗟嗟信宿信宿衮衣心伤悲初自公来秉留宪大法小廉墨吏遯巫纷鞅掌白简持螯恤血腔皂囊献未几有 诏陟司徒杼空所在告庚呼何人视国如视家一疏再疏修髯枯惟是补浴藉敷扰公私两裕慰亿兆至尊色动上卿贤封事每奏辄俞表一朝移疾赋遂初温纶朝拜夕悬车 主圣臣贞堪万古折柳何事独欷歔欷歔风人歌采艾销魂渌波映征盖差喜长白春为期从公赌墅东山霭屈指携筇碧嶂中急流勇退黑头公只恐时养钓渭暂宵衣早晚载非熊

○咏石隐园诗

六弟自寅

司农白阳兄自为郎时辟地为园松竹郁葱花卉蒨好疏堂小阁华而不靡前后左右峙有玄象灵璧魁星月窟菡萏鳳翔垂云太朴秋鷹峨豸十石尽态极巧饶有幽趣号为十友题曰石隐园及留计归 尚 羊其中陶陶如也云间门人于鰲先负笈过从为作石隐园记十石各系一绝余因叹吾兄立 朝勋业俊伟彪炳难以枚举未杖拂衣乐志泉石因象命名良有契合非偶然也辄赋排律古风各一章赞咏其事

司徒园中何不有问园何以石隐名曾佐 圣明执大象故邀玄象作主盟朴茂古风振颓俗灵心妙手抉玄精关西鷹隼门庭列江左魁元月旦评饷航樯云俱进捐输心事月同明豸冠迭握两都宪 鳳诰频颁三代荣茂叔池开香逾远晋公堂辟韵弥清

神交麋至为明倡道契行联作兄弟爱石欲将石俱隐岂同曲士守硜硜擎天砥柱暂休沐终日闭关介石贞共道东山谢安石他时廊庙作璜琮阿谁为君记石隐琅琅掷地有金声

●留计东归赠言 五言律

弟吴桥令毕自寅汇辑

男官生际壮

官生际有较正

粤西蒋守藩

栢台尊独坐兰省履中枢霜气千林肃泉流万派输安危凭硕望献纳藉吁谟锦里洵云乐苍生早待苏 【其一】

陪京汤沐重往籍版图存物力惜南国葵心映晓暎斗旋杓自远茎直露犹蕃林壑宁长恋蒲轮早拜恩 【其二】

●留计东归赠言 七言律

弟吴桥令毕自寅汇辑

男官生际壮

官生际有较正

拙句赠大司农白阳毕老公祖得请荣归

戊辰春日有怀白阳毕老公祖又赋二律时已得请归里

送白翁大司农先生荣归

赠大司徒毕老先生得请旋里

奉送白翁老堂翁老先生荣归

白翁毕老年伯锦旋俚言奉送

俚言奉送大司徒白翁毕老先生昼锦

○拙句赠大司农白阳毕老公祖得请荣归

旧治年弟王在晋

一封直上解朝衣王事劳人问息机三老那堪同去国二疏争似识先机雄材历下今无敌勇退都门近亦稀独愧驽骀犹恋栈勸勤久与世相违 【其一】

周南旋旆指三齐霜落丹枫叶满溪江上同人吾老矣天涯游子赋归兮急流自昔臣邻重姁节重烦御墨题黄发向来堪顾问征书东下莫言稽 【其二】

○戊辰春日有怀白阳毕老公祖又赋二律时已得请归里

王在晋（二首）

倪斯蕙（有序四首）

林宰（二首）

顾起元

俞彦

顾起鳳

姚履素

徐弘基

黎阳王在晋

家园松菊久相违明月江头忆钓矶自是东山高蜡屐每从恭岳望春晖 庙廊昔日多黄发乡国于今半白衣别后几回频送客渭城杨柳色依依 【其一】

闻说仓廩粟朽红而今时事问苍穹汉家本计先汤沐周室人材让毕公河海挽输添百亿东西兵车叹三空 圣朝上佐还思旧指日丹书出 禁中 【其二】

年弟渝州倪斯蕙

余自壬辰释褐同白阳毕公谒天官选公得云间李余得楚泽令一行作吏南北各天闻问遂蛰然矣乃公扬历中外骏声蔚起回翔南北周践台部盖吾榜中自眉也不佞蕙自谢铨务一卧二十余年姑从兵燹之后再成小草得侍公于南大司农部也日共朝夕奉以周旋亦奇合哉公地望隆甚中外引领公入筦铨衡晋陟揆席乃公遽以告老求去公何尝老哉 上不忍拂公之意颺从其请旦夕且 召公矣才赅坝麓遽赋绣袞三十年何握手之难而分袂之易也谬成四章以别

三朝元老大司徒媲美贤哉汉大夫颺许毕公离左右岂同贺监乞江湖豐城斗烛难埋剑溟海渊深更媚珠 圣主有恩客赐沐久虚麟阁待君图 【其一】

此去悬车十二年飘然谁不羨登僊老臣去国心犹赤蚤岁辞荣发尚玄家近东山瞻日观阶联南斗切星悬青松白石堪为侣只恐林岩未稳眠 【其二】

寥落知交渐渐稀朔风霈咸 臬话将归一尊千里悲离席九罍三章赋袞衣偏爱丹崖违俗好岂应白眼傲时非持筹颺卷丝纶手且理渔竿上钓矶 【其三】

如云供帐出郊关人指温公向洛还绿野尽容开白社明时岂合卧青山筹边曾借谈兵外裕国频劳握算间若有四夷问出处为云司马正红颜 【其四】

通家侍生漳江林宰

朔风吹雪度离旌咫尺登僊羨此行归去泰山九鼎重谢将国计一身轻 清朝颺许荣归沐 圣主终应忆老成珍重衷山须善饭庙堂旦夕待持衡 【其一】

望望清齐路未賒 圣恩特许颺还家金门渐远三山色玉洞将开万树花似为三朝优大老岂容一壑卧烟霞东山只恐难淹久会睹新除出御麻 【其二】

江宁顾起元

履声共识汉尚书忽忆东山赋遂初 帝许杜公藏武库天容李相适安輿松岩旧种龙鳞老竹径新添鳳尾舒 国计尚须频借问甘霖犹自望波余

江右后学俞彦

乞得东郊未老身顿教豐芑失元臣海鸥已狎忘机客楚鳳从悲岐路人一饭何曾

遗 圣主二毛真欲感比邻所嗟辽祲连溟渤伫看蒲车下隐沦

江宁顾起鳳

班硕文昌傍紫微东山未许北辰违陪京牖户思黄发郑武甘棠寄袞衣身系安危

留 主眷道随舒卷岂知希纶闼祇今宵吁切伫看司马总揆机

白下姚履素

毕公事业耀三宸忽厌风尘乞此身竹叶江湖渔艇夜梅花烟雨芰裳新岱宗山色
朝生翠渤海波光远媚人记得为郎同舍日燕台挥尘白云春

魏国徐弘基

跻荣八座赋归田别墅东山紫气缠耆旧清思旌列圣镐丰德爰被千年定知 新
宠颁来渥自是元臣望独先尧佐未容称庆老安车犹冀入朝 天

○送白翁大司农先生荣归

张锡命

魏浣初

东川张锡命

节钺亲持静碧流东来祲气一时收丹心自许三朝顾黄发偏深四海忧秋月春花
饶咏啸清泉白石恣夷犹休言归卧云林久祇恐蒲轮只尺投

姑苏魏浣初

重轸东西目为蒿军输无奈望投醪司庾曲使倾储应当宁深知仰屋劳历尽崎岖
怜骥足放开空阔遡鸿毛谁云汗漫沧洲兴一柱依然戴六鳌

○赠大司徒毕老先生得请旋里

姜一洪

朱葵

林应聚（四首）

钱承扩

王浚初

温禧

姚江姜一洪

台星辰啸紫薇宸此日悬车驾五云国计久需筹石画 主知今已贲元臣三朝望
重垂青史八座名高耀圣林从此频来 天子顾功勋应共斗山尊

属下司务年侄朱葵

留计欣闻曳履声莼鲈忽起故园情冰心一片风顽懦姱节千寻动 圣明 【时
奉有以昭姱节之 旨故云】 岱岳峯高秋月朗淄城雨过暮云横时清未许耽泉石竚
建三旌秉国成

属吏清漳林应聚

八座崇阶尚黑头遽将簪组付沧洲功成欲辟留侯谷勇退先浮范蠡舟从此 圣
心劳梦寐其如国计莫分忧愿公亟慰苍生想肉食而今惭远谋 【 其一】

归舍遥将 帝旨颁 殊恩缱绻几人攀清风长拂司农署卿月孤悬碧海湾仲父
才高宜握计谢公望重岂投闲此行暖席无多暇伫奉征书领鹓班 【 其二】

厘保勋崇彻 紫宸鸿飞渐息谢风尘壮猷何事辞 明主媵节于今表大臣南国
绅纓虚曳履东山烟月好垂纶但愁四海多虞日难赋归来老此身 【 其三】

喜从画省沾光辉一自投簪愿已违黄发迩来看渐少白驹此去音还稀时艰莫说
宦情薄身隐仍忧邦贮非不独属员偏惜别儿童拥道望公归 【 其四】

属下西蜀钱承扩

北斗玠衡 主眷深辞荣知足老臣心忠留鳳閣山公启兴寄龙门白傳吟紫气晓
瞻函谷馭褒纶恩重汉庭金勋名长系苍生望终见南岩起作霖

属吏云中王浚初

上臣经济媲夔龙岱岳峻嶒世所宗秉宪久推三独坐持筹专仗大司农声驰西北
消尘警政洽东南见赋宾妙矩最堪羣属式斗边僊履许谁从

属下巴蜀郎温禧

龙马精神海鹤姿独司北斗佐明时 三朝望重需调鼎千载清风蚤茹芝裴野黄
花留晚节枫宸 天语沛温词苍生未辍东山想勋德应劳 圣主恩

○奉送白翁老堂翁老先生荣归

田所赋（二首）

洪声远

单养蒙

刘大川

陈开泰

邵继孟

张鳳翼

王政

顾国缙

张可大

杨大烈

年家乡晚学田所赋

勤就燕然手重摩功名鍾鼎转嵯峨东山讵肯终安石铜柱从来倚伏波输挽定劳
黄发久林泉忽藉碧云多休言昼锦春如海祇恐蒲车只尺过 【 其一】

一疏批鳞乞此身手持优 诏挂朱轮粉郎满坐推先达莲府诸公拜后尘柳色渐
随兰棹远梅花乱扑酒莼新悬车绿野从容日正及云林醉好春 【 其二】

属下古黄洪声远

东岳崔巍接太空灵锺元老道弥崇忧时渐觉添华发报国唯知秉赤衷三径黄花
荣晚翠百年青史勒高风身悬四海苍生望千载重夸洛社翁

属下古蓼单养蒙

飏飏风吹江上岑江干顿起竹溪心当年几曳尚书履今日忽投太傅簪雨袖清风
归夹谷三司甘雨遍苍黔保厘从音公家事行看宣麻范水浔

属吏易水刘大川

上臣忧国岂谋家经济三朝发未华宸鉴即今悬日月山林何必恋烟霞旱霖硕望
知弥切 环召新恩定可夸司马自堪骇虏胆边烽行见靖胡沙

属吏粤东陈开泰

邨下多才近若何清尊言借故田莎赋归不为荒三径知止常思掷一梭禾熟玉山
堪果腹梦闲绿埜倦鸣珂于今海峤皆羊谢莫道硕人自寤歌

属下上党郅继孟

碧霞峯崑崙高崧申甫应推社稷功漕艘榜歌清济月戌关饶和黑山风北门囊策
犹余皂南国仓庾尚积红赤舄岂闻同坠履渭川应复起飞熊

东郡张鳳翼

春风旌彩大江边南国羣僚祖祖筵此日笑谭追二疏他年梦卜注三铨津门需饷
身先急会府兼漕脉自联元老只如尊泰岱逍遥洛社硕真詮

晚学秣陵王政

共识星辰曳履声荷囊忽谢起归旌东山已隐三朝望 北阙还期一德赓篱菊延
年荣晚操罗兰香国纫芳珩苍生霖雨思偏笃旦暮蒲轮想趣迎

门生云间顾国缙

当途谁肯赋遗荣公独翻然去旧京冰合长干旌旆远风暄夹谷薜萝生谢家双玉
千云秀于史门高结驷行黄发庙廊求正急鹤书早晚下延英

楚环张可大

经纶妙手壮王猷保障江南最上游蒿目军储抒石画劳心国计抱深忧 圣明
许归香社寮案争夸向十洲盼望锦帆移别浦不胜云树思悠悠

岱东杨大烈

应怀长白旧云峯此日悬车兴俞浓海岱共迎新逸老镐京瞻送大司农篱边洒酒
纔移菊涧外携琴偶独松芝草神泉能注世鹿皮前代有遗踪

○白翁毕老年伯锦旋俚言奉送

年侄秣陵吴日泉

元老朝廷倚度支如何勇退急流时温纶暂许鹏为息重望兼看鳳有仪京国入燕
銓待握邮亭归鲁传聊驰独怜犹子年家谊世世惟翁感最知

○俚言奉送大司徒白翁毕老先生昼锦

邵士逢

孙之獬

通家晚学邵士逢

黄阁勋名切上台赤松何事早归来东南不复烦筹箸中外空瞻酌斗才手演一函
充宦橐望隆三锡动罍罍它年屈指蒲轮诏好向临淄绿野开

祝其孙之獬

石头王气藉公扬突尔县车鬓未苍供茹芝探四皓紫欲分金乏雨疏黄勒名鼎上
虫鱼瘦赐澣湖中烟月长只恐东山栖不稳九州岛转运苦戎羌

●留计东归赠言 五言排律

弟吴桥令毕自寅汇辑

男官生际壮

官生际有较正

杜士基

大司徒白翁毕老先生蒙恩予告敬赋排律二十四韵以摅钦挹之怀

大司徒毕堂翁老年伯蒙恩予告敬赋五排二十四韵以述鄙怀

五言律十韵奉赠白阳毕老乡翁书于斗牛槎之得一处

○杜士基

门生云间杜士基

间气鍾名世文昌拱旧京岱宗聿表峻沧海共涵清伟略三朝望崇标八座倾乌台
方秉宪鸿府更提衡水旱天行剧札瘥物力惇纵称财赋窟安得廩储盈吏弊纷难诘民
艰未易鸣焦心厘设策蒿目阅持平输挽纔能继敛施恰中程果然充士腹展也豫 皇
情会有 褒纶屈旋看晋秩迎林泉忽引兴簪绂澹浮荣悟 主心逾切抽身虑更明悬
车太早计听履尚余声未稳山窓卧常参斗柄横能潜复能见难弟亦难兄阃外收奇捷
朝端仗老成齐流竹帛誉并勒鼎鍾名此日壶浆送当年图绘并感恩矢下里聊为竭衷
诚

○大司徒白翁毕老先生蒙恩予告敬赋排律二十四韵以摅钦挹之怀

叶天陞

赵嗣芳

年家晚生叶天陞

锡命周常伯辞荣汉大夫津门先握节户貳遂悬符兵饷权交巨风霜塞更逾天骄
寻远避 帝眷益旁敷总宪神皋重司徒丰镐殊金钱□综核庚癸杜潜呼忧国情偏切
持筹鬓欲枯丹心标疏草严命费纾图士马皆腾跃仓庚渐转输清风辉黼座夜月湛冰
壶当道推元献羣髦羨表□壮怀惟补衮归梦每烹鲈一疏排 天阙千秋表大儒 皇

仁昭姱节臣道凜遐趋祖帐东门盛户踪异世孚年家谊不浅頽俗气能扶时事纷披后
朝端功绩需春明莺语滑浪暖鷁飞娱摆脱超尘■〈土盍〉殷勤引海隅弹碁安石
墅醉酒步兵厨听履先垂则追锋近有谟归鞭应未稳 仙诏欲来纾试看蒲轮使行当
耀远途

属下年家晚生赵嗣芳

勇退初衣遂孤标夔绝尘风云扶正气海岱毓名臣有念皆谋国无营但致身贤声
蜚李郡起草动枫宸网释苏凋瘵波宽纵涸鳞豸绣关河徧恩威电露匀 圣朝资弼亮
百辟藉陶甄鹄印清戎索鹄班领缙绅津门擎一柱 社稷倚□□喉舌阶愈峻度支绩
转新中外抢多务南北共忧贫大都商铄两岂有粟红陈简括匠心计节缩总眉顰叫阍
杜鼠雀握算廩军民何以念松菊□□想鲈莼引年非洛社高卧已沧滨岩云生佩剑海
月伴垂纶徙倚丹经在行吟绿绮亲紫芝餐作饵黄绮结为邻野水横舟舫物望属松筠
愿言高赤舄珍重待蒲轮

○大司徒毕堂翁老年伯蒙恩予告敬赋五排二十四韵以述鄙怀

张有誉

霍化鹏

薛坤

朱庆棐

属吏年侄张有誉

间气鍾齐鲁明公迈等伦 中朝推姱节南国表儒绅一自持筹日偏劳报主身簪
灯咨帑绌雪涕悵庾贫脉络从来久侵渔那可陈军兴苦凋敝肉食但吟呻庚癸呼非远
壘瓶耻有因伤心怀祀虑草疏感 枫宸握发怜才急虚衷下士频无闻徒潦倒有幸荷
陶甄束带攀稽后趋曹御□新立谈标矩海起草出迷津共羨冲边略能生重地春阳回
将朽木沫润欲枯鳞 皇眷方听履闲情忽忆莼高风千古只短奏数行真祖帐东门
□ 恩纶北阙新忧时羣罢市慕谊独沾巾于役羈江介前驱到海滨漫传歌召憇遥拜
颂庄椿未许便高枕相思早賁轮尼山原诞圣泰岳总生申虞夏多求旧春秋赖统均调
元颜正渥拭目冠麒麟

属吏南海霍化鹏

萧相转输日留侯辟谷年扁舟移柳外万骑祖江边鸥雨宿中细豚风拜上平乌衣
维晚棹黄鹄引归舫行止适然事家国梦里天持筹嗟独苦释负得毋偏庚癸呼逾急东
南力已腴治安余汉策芟芾想周贤朱紱真长物苍生岂怱然怀人歌不尽甚者涕交涟
别墅新题咏汾阳暂敞筵君恩无限处未许卧林泉

闽清薛坤

圣世逢霞举轩轩出上都春风推去轂花雨拥归途鲁酒酣东岳秦松揖大夫高天
下听履南国久纾谟霄汉瞻黄鹄人间咏白鳧轸时方□托怀德岂能孤丽藻山川毓风

期日月扶繁花争□锦素雪映冰壶气向函关识功仍汉阁图攀辕无计及惆怅枉吾徒
通家乡晚生朱庆棐

烜赫中朝望畴庸版部光清风还栗里懋绩着旗常龙峡飞泉碧幢山古木苍流连
咏归地延仰具瞻乡即恐蒲轮 召难深荔服藏岩廊谘法宪海寓冀熙康未遂高云卧
应知趣治装

○五言律十韵奉赠白阳毕老乡翁书于斗牛槎之得一处
淮甸朱知璺

丝纶许身乞冠盖出 皇州总宪无双月司农纔一秋徙薪深国计积粟为军筹俗
杪风□化门清讼每休捐资收暴露谳狱释幽囚声教频宣布恩波实溥□□鱼且归去
卧辄总难留夹岸青骊送横江彩鹢浮片云看冉冉一水隔悠悠□阜他年望思君涕泗
流

●留计东归赠言 七言排律

弟吴桥令毕自寅汇辑

男官生际壮

官生际有较正

杨栋朝

潘光祖

郭文封

田有年

大司徒白翁毕老师予告□□□□奉送

石隐园

○杨栋朝

鹤川杨栋朝

乞得闲身自艾年星辰曳倦揽云烟秣□早折千条柳滦水晚栽十丈莲阁画麒麟
人豹隐班辞鸞鷟事鸥眠山中宰相鬓眉绿河上僊翁食息玄醉把琼芝招绮里笑看玉
笋出蓝田弦□□动玻璃幃诗句敲残玳瑁筵恋 阙葵心常耿耿筹边花萼正娟娟蒲
轮只恐从 天下未许轻浮范蠡船

○潘光祖

属吏金城潘光祖

留台掌后大司徒六府修明五典敷弘济艰难承运泰坐筹部伍息庚呼姬公未是
明农日疏传先怀止足图人望九章嗟信宿驾还三径理荒芜葱青树长双条玉长白山
储千里驹虽以传经存晚计更须调鼎向天衢 九重正想夔龙佐四字争思霖雨濡眉
寿即今将指使霞觞端与鹤书俱

○郭文封

江夏郭文封

论道经邦亮一人调元赞化茂孤卿夹持日月双轮照会感风云二气清鲁岱齐淄
亚丰格□松汉栢凜周行勋崇民部无忧杞眷渥离□□□桢草野黎颜谁菜色岩廊嘉
告尽葵诚东南财赋饶飞挽西北锤彝待系纓危论螭□余旧檻高寻鸥渚愜新盟三公
不易凌中岳一介精参□□□正是富民堪大拜谁言益下不千璜小吏渥膏□细雨老
臣垂照夜恒星金刀钱布同畴范舟楫盐梅望汇征粒粒聚恩如聚米声声吹德胜吹笙
茅堂遥忆攀龙谒铃阁如闻啸虎声挽回世道称真宰会见 皇王亿太平

○田有年

属吏西秦田有年

毕公厘保已多年节钺高开天府边飞挽津门饶转运灌输留后复流泉筹先借箸
归黔饷蠹剔侵渔弼仔肩仰给倥偬刘宴策坐消梧克李常贤素丝独着羔羊节丹鼎能
令鸡犬仙一疏初衣方自乞三公华廔便相捐濯纓湖有芙蓉伴祖道人攀鷺鳳韞总是
苍生怀谢傅东山未许其□

○大司徒白翁毕老师予告□□□□奉送

门生云间顾国缙

司农万□□□初诏许抽□□返庐□倦固应聊息驾时清岂合即悬车长千衰柳
□□□□谷深林好著书勋在庙廊虽鼎勒性亲鸥鹭□□居南山采秀情虚恋北极和
羹力有余周室中兴方藉尹汉廷止足未同疏重教初服生烟雾旋睹征纶出石渠故里
媿将函丈忝陪京欣奉客颜舒歌骊讵忍分金络望袞还期拜玉除指日老成仍召用无
繇龙卧欲何如

○石隐园

六弟自寅

我兄爱石矢弗援早岁先开石隐园斲遍青山探月窟铲平碧落蹑云根恍疑溟国
来玄象忽讶丹山翔彩鹇獬豸触邪谗佞尽鹰鹯驱雀丑夷吞欲开菡萏炫晴日乍吐奎
光映斗垣壁立□□观窍妙天藏浑沌识真元雨余苔长滋清□□□□凝
□□□□□横□□罨霭□□□□□□□□衙□□□□□□□□前听
□□□□□□□□芾密萝覆地自綢緼骚人寻赏停□屐□□□□驻大轩我亦从来
耽石癖苦无慧剑割冗

●留计东归赠言 七言绝句

弟吴桥令毕自寅汇辑

男官生际壮

官生际有较正

王建忠（六首）

白翁老公祖请告归淄青岁暮凄其离怀充斥漫赋十绝言别

属吏巴蜀王建忠

□□□□□□□□□□□□□□□□千里无缘东海问烟萝 【其二】

栢府曾沾柱下霜何缘画省谬为郎临岐欲奏巴人曲笑指南山晚正芳 【其四】

○白翁老公祖请告归淄青岁暮凄其离怀充斥漫赋十绝言别

华亭治民唐汝询

[illegible]

舒卷随时道益尊投簪归且卧云根赤松旧隐华不注逢着黄庭好共论 【其四】

温旨俄然下紫霄老臣归喜傍渔樵即愁白下呼庚急请粟何人引旧条【其六】

长干雨定雪将飞心逐悬旌怅有违一曲骊驹千片泪何人更礼芰荷衣 【其八】

(下俟文)